

TULAFONO TAU FAAOFI O TEUTEUGA O LE TULAFONO O LE FAASOLOGA O TIUTE 2016

SAMOA


Faamatalaga e Faamalamalama ai

1.0 Sini ma mafuaaga

- 1.1 Ua taumafai le Tulafono Tau Faaofi e teuteu le Tulafono o le Faasologa o Tiute 1975 (“Tulafono Autu”).
- 1.2 O le sini o le Tulafono Tau Faaofi o le teuteuina lea o le Faamatalaga Lona Lua o le Tulafono Autu, ina ia mafai ai ona noatia i faamama avega le faaulufale mai o taavale eletise e faaaogaina ai malosiaga faafouina. O lenei faamama avega tau le tiute o le a faaitiitia mai le 20 pasene i le 5 pasene.

2.0 Fuaiupu:

- Fuaiupu 1:** - ia aiaia ai mo le igoa puupuu ma le amataga.
- Fuaiupu 2:** - ua teuteu ai le Faamatalaga Lona Lua e ala i le suia i le Faailoga 120 fou, ina ia atagia ai le suiga fou.



(Hon TIALAVEA Fea Leniu Tionisio Hunt)

MINISITA MO TUPE MAUA

**TULAFONO TAU FAAOFI O TEUTEUGA O LE
TULAFONO O LE FAASOLOGA O TIUTE 2016**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le Faamatalaga Lona Lua

2016, Nu.

O SE TULAFONO TAU FAAOFI UA TAUA

O SE TULAFONO e teuteu ai le Tulafono o le Faasologa o Tiute 1975.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua lenei Tulafono o le Tulafono o Teuteuga o le Tulafono o le Faasologa o Tiute 2016.

- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le Faamatalaga Lona Lua:

Ua teuteuina le Faamatalaga Lona Lua o le Tulafono Autu, e ala i le suia o le Faailoga 120 e faapea:

Faailoga Nu.	Tagata Lava Ia/Faala-potopotoga	Oloa Faaulufale Mai e Agavaa mo Tiute	Tiute o Oloa Faaulufale mai	Lafoga o Tiute	Fua Faatatau o le VAGST	Tuutuuga	Tusi faamaonia e ao ona sainia e le Minisita
(1)	(2)	(3)	(4)	(5)	(6)	(7)	(8)
Faailoga 120	Oloa mo faamoemoe-ga tau le tamaoaiga, soifuaga lautele, faaleaganuu po o isi (a) Tagata Lautele	Oloa faaulufale mai mo faamoemoe-ga tau le tamaoaiga, soifuaga lautele, faaleaganuu po o isi faamoemoe-ga e le o faamaotiina i se isi faiga e ese ai i lenei Faamatalaga, e pei ona mafai ona fuafuaina e le Minisita, i le noatia ma le fai	8%	Tuu-saunoa	15%	(a) E pei ona mafai ona fuafuaina e le Minisita (b) E pei ona mafai ona toe fuafuaina e le Pule Sili o le Tiute mo le puipuiga o Tupe Maua ua faatapulaaina i iunite atoatoa ma e lē tatalaina	E pei ona mafai ona fuafuaina e le Pule Sili o le Tiute

		fuafua i ia aiaiga e pei ona faatulagaina				i totoga faaleoleo o taavale po o masini	
(b) Masini mo le Faasaoina o Malosiaga	Masini mamafa, meafaigaluega ma masini e aofia ai taavale ma isi mea taitasi faapena e pei ona mafai ona fuafuaina e le Minisita mai lea taimi i lea taimi	Tuu-saunoa	5%	15%	O meataitasi i le manatu o le Minisita, e ao ona faaaogā isi malosiaga e pei o le la, matagi, eletise, suavai, ma isi faapena po o se tuufaatasiga o malosiaga ua taua i luga faatasi ai ma suauu mai manu mamate po o isi punaoa o malosiaga e pei o taavale e faaaogā ai penisini ma le eletise po o taavale eletise ma masini e faasaoina malosiaga. O le faamama avega e faatapulaa i iunite atoatoa ma e lē tatalaina atu i isi totoga faaleoleo o taavale po o masini.	E pei ona mafai ona fuafuaina e le Pule Sili o le Tiute".	